



ATASSUT INATSISARTUNI

ATASSUT

UKA 2013/86-1

Knud Kristiansen

06.11.13

**Ingerlatseqatigiiffit Kalaallit Nunaannilu oqartussaasut whistleblowereqarnissamut
aaqqissuussinissamut (kinaassutsimik ersersitsisuunngitsumik ilisimasamik
ingerlatitseeqqiisinnaanermut periarfissiisumik) malittarisassiunneqarnissaannut
Naalakkersuisut peqquneqarnissaannut Inatsisartut aalajangiiffigisassaattut siunnersuut.**

(Inatsisartunut ilaasortaq Naaja H. Nathanielsen, Inuit Ataqatigiit)

Inuit Ataqatigiit sinnerlugit Inatsisartuni ilaasortaq Naaja H. Nathanielsen matumani siunnersuuteqarpoq equnngitsumik unioqquqtsisumilluunniit ingerlatsisoqartillugu kinaassutsimik ersersitsisuunngitsumik ilisimasamik ingerlatitseeqqiisinnaanissamut periarfissiisumik ingerlatseqatigiiffit malittarisassiunneqarnissaat Naalakkersuisut sulissutiginninnissaannik peqquneqassasut.

ATASSUT-mit pingartilluinnarpalput ingerlatsiviit suliffeqarfiillu inatsisit atuuttut malillugit ingerlatsinissaat sutigut tamatigut qulakkeersimaneqassasoq. Neriuutiginngilluinnarpalpullu ingerlatseqatigiiffit suliffeqarfiillu ingerlatseqatigiiffittut ingerlasut unioqquqtsisumik ingerlatsisarsimassasut.

Taamaattorli nassuerutigalugu equnngitsumik aammalu unioqquqtsisumik ingerlatsiniartoqarsinnaanera pinngitsoortinniarluaraanniluunniit tamakkiisumik qulakkeersimaneqarsinnaanngitsoq, pissusissamisoorsoraarput aaqqissuussineq taamaattoq nunani nunatsinnut sanillersuuffigiumasartakkatsinni aaqqissuussineq taamaattoq atorneqaleraluttuinnartoq aammalu eqqortumik ingerlatsisoqarnissaanik qulakkeerinninniarnermi annertusaataasoq, aamma nunatsinni atuutsinneqalerpat pissusissamisuussasoq.



ATASSUT INATSISARTUNI

Taamatut naatsumik oqaaseqaateqarluta ATASSUT-mit siunnersuut taperserparput,
inassutigissavarpullu taamatut iluseqarluni akuersissutigineqassasoq.